

CHATSCHA JAURA

Infuormaziuns

Lessat Vus imprendier a cugnuscher la val d'ün'otra vart? Lura it in tschercha da dürabiltà ed energia in Val Müstair. A man d'indicaziuns spinusas, comunicaziuns secretas e schogliond lezchas eschat Vus sül güst fastizi. Adattà per famiglias, amis, firmas, societats, scoulas eui.

Dürada: Per l'intera chatscha da la vuolp dovrais Vus tanter 2.5–3 uras, tuot seguond, quant svelt cha Vus eschat in viadi.

Partenza e böt: La chatscha da la vuolp cumainza a Müstair pro Plaz Grond, in vicinanza da la fermativa da l'auto da posta Clostra Son Jon e va fin a Sta. Maria. Dal böt a Sta. Maria as poja rivar per exaimpel cun l'auto da posta darcheu a la partenza. O lura as tuorna a pè fin a Müstair (dürada via directa ca. 1h15).

Gruppas: La chatscha da la vuolp „Chatscha jaura“ as faja il meglder in gruppas pitschnas fin max. 6 persunas. Plüssas gruppas stuvevan partir üna davo l'otra cun üna distanza temporal da ca. 15 minuts.

Lingua: Rumantsch e tudais-ch.

Documainta: In quist documaint chattais Vus ils tips regard il trajet. Indicaziuns supplementaras chattais Vus d'ürant la chatscha da la vuolp. Ulteriuras infuormaziuns: Biosfera Val Müstair, Tel. 081 851 60 70 (lù. – ve. 09:00 - 12:00u e 14:00 - 17:00u)

In special: Ün'annunzcha nun es necessaria, la spüerta es gratuita e po gnir scuverta our d'aigina iniziativa.

Tips per la tschercha dals indizis – Sü a la chatscha da la vuolp!

Ün cordial bainvgnü a la Chatscha jaura. Chi chi legia cun atenziun las infuormaziuns in quist documaint e cumbina inandret las indicaziuns sün las tablas, accumulscha la chatscha da la vuolp cun bravüra. Nus As giavüschain bun success ed invistas fascinantas, co cha dürabiltà vain vivüda in Val Müstair!

- Post 1** La prüma zinsla as ha zoppada intuorn da la tabla «Plaz Grond» a Müstair. Tgnai ils ögls averts.
- Post 2** Eschat plü pitschens co 2.3m? Lura savais ingio chi va inavant! Segui a quella via gualiv oura inavant fin pro'l «Supermarchà», ingio chi's rechattan buntats localas. Là gnis a savair daplù!
- Post 3** It inavant sülla via. Speravia a la vaidrina sportiva e quella masdada. Sun a dretta garaschas? Lura giais a schneistra aval. Vus nu lais ir pro la chasa cumünala, it in direcziun cuntraria. Scha üna zebra ha cruschà vossa via giais a dretta in direcziun

da la piazza da camping. Dudis fingià a schuschurar il Rom? Na? Lura it amo plü daspera al flüm. Tscherchai pro'l bankin pro'l spartavias la prosma infuormaziun.

- Post 4** Tscherchai la chadaina e decifrai il text zoppà.
- Post 5/6** Laschai star la piazza da sport a dretta. Restai adüna sülla listessa vart dal flüm. Pro'l seguond muossavia, cun privel da tir, pudais decider: La via sura es sainza barriera (signalisaziun via da velo), la via suot as maina idillicamaing lung il Rom (signalisaziun senda da viandar). NÜGLIA passar suot la punt via! Pro la chasa chi schuschura sco'l Rom as spettan güsta duos tablas.
- Post 7** Davo cha Vus vais let tuottas duos tablas d'indicaziun, it insü fin pro'l signal 28 t e guardai inavo. Lura vezzais Vus l'implant fotovoltaic sül tet! Uossa pudais cumanzar ad ir sü pel chant. Cur cha Vus riva pro'l prüm spartavias as muossa la frizza verda pro'l muossavia la direcziun. Pro'l banc pro pro'l spartavias vais merità üna posa! Culla clav chattais la via.
- Post 8** Fat attenziun a la tabla naira ed alba da la vart dretta da la via. Qua vegnan amo fattas lavuors artischanas tradiziunalas.
- Post 9** Vezzais Vus da la vart schnestra davant il museum üna sculptura davart la prüma guerra mundiala? Lura eschat Vus sül güst fastizi. It a dretta sün la via salaschada e segui la via chi maina aval. Davo duos bügls stuvais far attenziun a la porta averta da la vart schnestra. Guardai intuorn davo quista chasa!
- Post 10** Tgnai avert ils ögls, impustüt davant la punt il dret!
- Post 11** Visavi al totem as rechatta la via cha Vus stuvais seguir. Dasper Vus cuorra la Muranzina e quist es eir l'ultima muntada cha Vus stuvais superar. Rivats süsom As maina il passagi zoppà pro la via principala. Traversai là a dretta la Muranzina e giai insü in direcziun dal clucher. Pro'l Whisky Shop vaja inavant a dretta sü. Sperain cha Vus nu vais commiss ingün delict, Vus stuvais nempe ir pro la pulizia.
- Bravo!** Il code numeric pro quist post es sgür gnü mol... Cun indicaziun da quist code pudais Vus lura, scha Vus vulais, far üna posa i'l caffè da MeierBeck e giodair üna bavronda gratuita (uras d'avertüra: www.meierbeck.ch). Ed in quist lö üna cordiala gratulaziun, Vus vais accumpli Vossa lezcha ed absolt la Chatscha jaura cun success e sperain cha vais surgni novas invistas illa Val Müstair. Nus As giavüschain ün bun retuorn a chasa e'ns allegrain da reacziuns ed animaziuns: info@biosfera.ch

In collavuraziun cun: Cumün da Val Müstair, Cità d'energia Val Müstair, pem Val Müstair

V8.7.2025